



DIEGO CALVO POUSO, VICEPRESIDENTE PRIMEIRO E CONSELLEIRO DE PRESIDENCIA, XUSTIZA E DEPORTES E SECRETARIO DO CONSELLO DA XUNTA DE GALICIA,

CERTIFICA:

Que o Consello da Xunta de Galicia na súa reunión do vinte e oito de setembro de dous mil vinte e tres adoptou, entre outros, o seguinte Acordo:

"Autorizar a addenda e prórroga do contrato-programa entre o Servizo Galego de Saúde e a Fundación Pública Galega de Medicina Xenómica.

O financiamento das medidas derivadas do "Programa de desenvolvemento de medidas para mellorar a eficiencia e a sostibilidade do SNS: consolidación da medicina personalizada de precisión no SNS (5P)" realizarase con cargo ás aplicacións orzamentarias que se detallan de seguido:

Tipo de GASTO	APLICACIÓN	2023	2024
Gasto de persoal	5001/412A/443.14	47.756,06 €	191.024,23 €
Gasto de capital	5001/412A/743.14	265.000,00€	245.293,07 €

Respecto ao financiamento da prórroga estímase un orzamento para o ano 2024 de 7.100.000€, nas aplicacións orzamentarias 412A/443.14 dos distintos centros hospitalarios do Servizo Galego de Saúde, que se detallan de seguido:

Áreas Sanitarias	Aplicación orzamentaria	Orzamento 2024
A.S. da Coruña e Cee	1501 412A 443.14	931.200 €
A.S. de Ferrol	1505 412A 443.14	367.598 €
A.S. de Santiago de Compostela e Barbanza	1571 412A 443.14	2.574.210 €
A.S. de Lugo. A Mariña e Monforte de Lemos	2701 412A 443.14	871.362 €
A.S. de Ourense. Verín e o Barco de Valdeorras	3201 412A 443.14	640.997 €
A.S. de Vigo	3601 412A 443.14	1.173.633 €
A.S. de Pontevedra e Salnés	3603 412A 443.14	541.000 €
TOTAL		7.100.000€

"

E para que conste, asino a presente co Visto e Prace do Sr. Presidente en Santiago de Compostela a vinte e oito de setembro de dous mil vinte e tres.

Vº. e Prace:
O PRESIDENTE

ADDENDA E PRÓRROGA AO CONTRATO PROGRAMA 2022-2023 ENTRE O SERVIZO GALEGO DE
SAÚDE E A FUNDACIÓN PÚBLICA GALEGA DE MEDICINA XENÓMICA PARA A REALIZACIÓN DAS
ANÁLISES XENÉTICAS NO ÁMBITO DO SERVIZO GALEGO DE SAÚDE

Santiago de Compostela, na data da sinatura dixital

REUNIDOS:

Dunha parte, Julio García Comesaña, conselleiro de Sanidade e presidente do Servizo Galego de Saúde, nomeado por Decreto 60/2022, de 15 de maio, no exercicio das atribucións previstas no artigo 34 da Lei 1/1983, de 22 de febreiro, de normas reguladoras da Xunta e da súa Presidencia; nos Decretos 136 e 137/2019, de 10 de outubro, polos que se establecen as estruturas orgánicas da Consellería de Sanidade e do Servizo Galego de Saúde, respectivamente; e na Lei 1/2016, de 18 de xaneiro, de transparencia e bo goberno.

E doutra parte, Ángel Carracedo Álvarez, na súa condición de director executivo da Fundación Pública Galega de Medicina Xenómica (FPGMX), en virtude das atribucións que ten conferidas segundo os estatutos da Fundación, aprobados por Decreto 451/2003, de 26 de decembro.

Ambas as dúas partes recoñécense capacidade legal suficiente para formalizar este documento e para o efecto.

EXPOÑEN:

I. Que as probas xenéticas constitúen unha ferramenta de incuantificable valor para o diagnóstico e prognóstico de enfermidades de alto impacto sanitario e gran impacto social como son as enfermidades complexas e raras, as enfermidades oncolóxicas e as enfermidades sen diagnóstico. Así mesmo, son clave para a selección e o seguimento de tratamentos farmacolóxicos óptimos, o que redunda nunha maior seguridade e eficiencia ao utilizar as terapias dirixidas.

II. Que o Ministerio de Sanidade xunto coas comunidades autónomas (CCAA) identificou unha necesidade manifesta tanto na carteira común de servizos do SNS como na infraestrutura que require a consolidación da medicina personalizada de precisión no SNS para abordar os retos actuais e futuros da medicina de precisión no noso sistema sanitario e garantir a súa implantación de forma planificada, ordenada e equitativa no SNS, asegurando a excelencia e a eficiencia na utilización dos recursos científicos dispoñibles para unha medicina máis innovadora, segura, eficiente, de precisión, personalizada, predictiva, preventiva, participativa e poboacional (5P), que estea

centrada nas características de cada paciente para adaptar dunha maneira máis individualizada o diagnóstico e as medidas terapéuticas ou preventivas.

III. Que, polo anterior, na sesión plenaria da Comisión de Prestacións, Aseguramento e Financiamento celebrada o día 21 de xullo de 2022, foi aprobado o "Programa de desenvolvemento de medidas para mellorar a eficiencia e a sustentabilidade do SNS: consolidación da medicina personalizada de precisión no SNS Plan 5P, así como os criterios para a distribución dos créditos destinados a este fin no exercicio 2022".

As medidas para a implantación da actualización da carteira común de servizos do SNS e do correspondente catálogo, previstas neste programa, serán xestionadas polas CCAA e os importes para distribuír poderanse destinar, entre outros, a gastos de persoal e investimentos.

IV. Que, por iso, o Consello Interterritorial do Sistema Nacional de Saúde aprobou a repartición de fondos destinados ao desenvolvemento do devandito programa, xestionados por CCAA, en base aos seguintes criterios:

- unha cantidade fixa igual a cada Comunidade Autónoma, equivalente ao 10% do total.
- a cantidade restante distribuída proporcionalmente entre as CCAA de acordo con criterio poboacional segundo o último censo publicado polo Instituto Nacional de Estatística.

V. Que os fondos foron transferidos ás CCAA no último trimestre do exercicio 2022 e o prazo temporal máximo para a execución dos proxectos/programas a emprender será, como máximo, de 3 anos, a partires do exercicio seguinte da transferencia efectiva, é dicir, desde 2023 ata 2025 ambos inclusive.

No caso da C.A. de Galicia a Fundación Pública Galega de Medicina Xenómica ten precisamente por misión a realización de actividades de promoción e protección da saúde dos galegos, garantindo o acceso en condicións de equidade a probas xenómicas que sexan de utilidade, e que serve como instrumento de apoio á atención sanitaria pública a través do uso de soportes tecnolóxicos para atender a crecente importancia da medicina xenómica na diagnose e tratamento de múltiples doenzas, especialmente nas relacionadas coa herdanza xenética e o cancro.

Estes instrumentos tecnolóxicos esixen unha alta especialización profesional, dado o seu proceso de constante desenvolvemento, polo que elementos como o I+D, a investigación e a formación resultan indispensables no seu desenvolvemento.

Para acadar os obxectivos deste programa, identificáronse actividades que se pretenden desenvolver, vencelladas directamente á actividade asistencial nalgúns casos, e que precisan dunha coordinación entre todas as unidades implicadas.

VI.- Por outra banda, a cláusula terceira do contrato programa asinado establece que a súa vixencia comezou dende o día seguinte ao da súa aprobación polo Consello da Xunta de Galicia, despregando os seus efectos iniciais até o 31 de decembro de 2023.

Transcorrido o prazo de vixencia inicialmente previsto, o contrato programa prevé a posibilidade da súa prórroga por períodos anuais ata un máximo de 2 anualidades e sempre que se dispoña da consignación orzamentaria axeitada e suficiente.

Co obxecto de facer efectiva a posibilidade de prórroga prevista, e asegurar o axeitado desenvolvemento do Programa de desenvolvemento de medidas para mellorar a eficiencia e a sustentabilidade do SNS: consolidación da medicina personalizada de precisión no SNS Plan 5P, ambas partes conveñen na necesidade de prorrogar o contrato programa actualmente vixente.

Por canto antecede, as partes

ACORDAN:

ESTIPULACIÓN PRIMEIRA: Traballos para o Servizo Galego de Saúde no Programa de desenvolvemento de medidas para mellorar a eficiencia e a sustentabilidade do SNS: consolidación da medicina personalizada de precisión no SNS.

1. Atribuír á Fundación Pública Galega de Medicina Xenómica, dentro das actividades cubertas polo contrato-programa vixente, a realización de distintas tarefas relacionadas co "Programa de desenvolvemento de medidas para mellorar a eficiencia e a sustentabilidade do SNS: consolidación da medicina personalizada de precisión no SNS Plan 5P" como as que se describen a continuación:

- Coordinación e supervisión da execución en Galicia deste Programa.
- A coordinación, presentación e seguimento da execución do proxecto nas reunións executivas que se propoñan dende a xerencia do Servizo Galego de Saúde.
- A coordinación das reunións técnicas de seguimento do proxecto para revisión da execución económica e técnica do mesmo.
- Apoio nas actividades de identificación e definición dos elementos innovadores a desenvolver.
- Apoio na supervisión de pregos administrativos e técnicos (especificacións funcionais) que puideran ser necesarios na adquisición de investimentos con cargo a este programa.



VICEPRESIDENCIA PRIMEIRA E
CONSELLERÍA DE XUSTIZA E DEPORTES

- Seguimento dos avances de execución e da súa vinculación cos indicadores de resultado de actividade previstos, no seu caso.
- Participación na planificación e execución da política de comunicación interna e externa do proxecto.
- Implantación de novas tecnoloxías e/ou equipamento preciso na fundación para poder desenvolver as determinacións incluídas no Catálogo mediante o que se fará efectiva a carteira común de servizos do SNS na área de enfermidades de base xenética.

2. O encargo destas tarefas non supón cesión da titularidade de competencias, nin dos elementos substantivos do seu exercicio, sendo responsabilidade do órgano encargante ditar cantos actos ou resolucións de carácter xurídico dean soporte ou nos que se integren as concretas actividades materiais obxecto do encargo.

Tampouco ten a consideración de modificación do contrato programa, pois non afecta aos obxectivos, nin estratéxicos nin asistenciais, consignados no mesmo.

Así, as tarefas a que se refire esta addenda encádranse dentro do eixo estratéxico E2 (SISTEMA SANITARIO SUSTENTABLE E DE CALIDADE. FOMENTO DA SAÚDE PÚBLICA) e dos seus respectivos obxectivos e indicadores, contribuíndo á súa execución.

Obxectivo estratéxico (OES)		Importe
001	Promover e xestionar a atención integral dos usuarios SERGAS segundo as súas necesidades no eido da medicina xenómica.	749.073,36 €
Obxectivo operativo (OOP)		Importe
002	Xestionar, impulsar e contribuír á mellora no acceso á medicina xenómica de persoas e/ou familias afectadas ou con sospeita de padecer enfermidades de base xenética.	238.780,29 €
003	Xestionar e fortalecer a capacidade tecnolóxica no eido da medicina xenómica galega.	510.293,07 €

Especificamente están vencelladas, entre outros, aos seguintes obxectivos e indicadores:

➡ **I. (OES) Recursos e Actividade:** Satisfacción da demanda asistencial para a realización de probas xenéticas no SERGAS. Ser un modelo de práctica clínica orientado ás persoas.

I. A. (OOP) Continuar adaptando a carteira de servizos da Fundación ás necesidades da actividade asistencial de acordo coas liñas de actuación contempladas neste contrato-programa.

(IND) Número de novos estudos incorporados á carteira de servizos.



- ➡ VI (OES) **Xestión eficiente dos recursos:** persoas, tecnoloxía e outros recursos, que ten por finalidade xestionar os recursos e capacidades existentes (infraestruturas de secuenciación masiva, análise de grandes volumes de datos, estandarización e interoperabilidade, marco ético, social....) para dar resposta ás necesidades da medicina xenómica no Sistema Público de Saúde.

VI.A. (OOP) Dar resposta ás necesidades da encomenda do Servizo Galego de Saúde segundo as condicións pactadas, xestionando os recursos persoais e tecnolóxicos dun xeito eficiente e respectando os indicadores de calidade na prestación dos servizos.

(IND) Número de estudos segundo liña de actuación por área funcional.

A Fundación Pública Galega de Medicina Xenómica, no desenvolvemento destas actividades, seguirá as directrices e instrucións do Servizo Galego de Saúde, ao que lle corresponden os poderes de verificación e control do encargo.

3. A Fundación Pública Galega de Medicina Xenómica encargarse de executar as tarefas descritas e as condicións que rexerán a súa realización son as que se sinalan no presente documento.

A Fundación Pública Galega de Medicina Xenómica aportará a súa propia dirección e xestión para a execución do encargo, sendo responsable da organización do servizo prestado e da calidade técnica dos traballos a desenvolver, correspondéndolle a coordinación, organización e execución da prestación.

Para tal efecto disporá dunha estrutura axeitada, e se fará responsable de impartir ao seu persoal as correspondentes ordes, criterios de realización do traballo e directrices de como distribuílo.

O persoal necesario para a súa execución dependerá exclusivamente da Fundación Pública Galega de Medicina Xenómica, o cal terá todos os dereitos e deberes inherentes á súa condición respecto deste, sendo o Servizo Galego de Saúde totalmente alleo ás referidas relacións.

4. Con motivo das necesidades descritas é preciso ampliar a dotación orzamentaria do contrato programa da Fundación Pública Galega de Medicina Xenómica de xeito que permita cubrir os custes vencellados ao desenvolvemento dos traballos anteriormente descritos.

O Servizo Galego de Saúde financiará as actuacións a desenvolver, de soporte e de dotación de infraestruturas, con cargo ás aplicacións orzamentarias que se sinalan no cadro seguinte, e para as que existe crédito adecuado e suficiente:



GASTO	APLICACIÓN	2023	2024
EXPLOTACIÓN	5001/412A/443.14	47.756,06 €	191.024,23 €
CAPITAL	5001/412A/743.14	265.000,00€	245.293,07 €

Estas cantidades poderanse ampliar coas correspondentes addendas ao presente encargo.

5. O libramento das transferencias de financiamento realizaranse conforme ao seguinte criterio:

- O importe do gasto de explotación de cada anualidade (vencellado ao desenvolvemento das actividades recollidas no presente encargo) e, entre o que se pode atopar o gasto de persoal, librarase mensualmente pola parte mensual proporcional nos cinco primeiros días do mes.
- O importe do gasto de capital librarase unha vez se emita pola fundación a certificación do gasto realizado xuntamente co informe de actividades vencellado (asinado polo representante da entidade). Para a validación de ambos documentos requirirase da conformidade do SERGAS. Os libramentos poderanse ser parciais na medida en que se execute e se conforme tanto o gasto realizado como a actividade desenvolvida.

Con cada certificación para o pagamento, a fundación deberá entregar ao Servizo Galego de Saúde o seguinte:

- ✓ Memoria explicativa das actividades desenvolvidas vencelladas ao programa.
- ✓ Certificación dos custos de persoal, consistente nunha relación (detallada por meses) do persoal adicado á execución das actividades recollidas na presente Addenda e acompañada dos documentos que acrediten os citados custos (copia das nóminas, relación nominal de traballadores da Tesouraría Xeral da Seguridade Social e o seu pagamento). A xustificación dos gastos de persoal realizarase co remate de cada anualidade.
- ✓ Documentación acreditativa da realización dos restantes gastos e os seus pagamentos, que consistirá en orixinais ou copias compulsadas dos xustificantes dos investimentos ou actuacións desenvolvidas consistentes en facturas dos provedores ou documentos de valor probatorio equivalente con validez no tráfico xurídico mercantil ou eficacia administrativa, segundo o establecido no artigo 28.3 da Lei 9/2007 e no artigo 48 do Decreto 11/2009. As facturas deberán conter suficiente información de detalle que permita relacionala co gasto xustificado.



5. O presente encargo terá unha duración vencellada á vixencia do contrato programa establecido entre o Servizo Galego de Saúde e a Fundación Pública Galega de Medicina Xenómica.

En todo caso, a duración do presente encargo queda condicionada á duración efectiva do Programa de desenvolvemento de medidas para mellorar a eficiencia e a sustentabilidade do SNS: consolidación da medicina personalizada de precisión no SNS Plan 5P.

ESTIPULACIÓN SEGUNDA.- Prórroga do contrato programa entre o Servizo Galego de Saúde e a Fundación Pública Galega de Medicina Xenómica para a realización das análises xenéticas no ámbito do Servizo Galego de Saúde.

A cláusula terceira do contrato programa asinado establece que a súa vixencia comezou dende o día seguinte ao da súa aprobación polo Consello da Xunta de Galicia até o 31 de decembro de 2023.

Transcorrido o prazo de vixencia o contrato programa prevé a posibilidade da súa prórroga por períodos anuais ata un máximo de 2 anualidades e sempre que se dispoña da consignación orzamentaria axeitada e suficiente.

En cumprimento das previsións contidas do citado contrato programa, ambas partes acordan proceder á súa primeira prórroga, estendendo a súa aplicación até o 31 de decembro de 2024.

O financiamento do Prórroga 2024 estímase por un importe de 7.100.000 € nas aplicacións orzamentarias 412A/443.14 dos distintos centros hospitalarios do Servizo Galego de Saúde que se detallan:

Áreas Sanitarias	Aplicación orzamentaria	Orzamento 2024
A.S. da Coruña e Cee	1501 412A 443.14	931.200 €
A.S. de Ferrol	1505 412A 443.14	367.598 €
A.S. de Santiago de Compostela e Barbanza	1571 412A 443.14	2.574.210 €
A.S. de Lugo, A Mariña e Monforte de Lemos	2701 412A 443.14	871.362 €
A.S. de Ourense, Verín e o Barco de Valdeorras	3201 412A 443.14	640.997 €
A.S. de Vigo	3601 412A 443.14	1.173.633 €
A.S. de Pontevedra e Salnés	3603 412A 443.14	541.000 €
TOTAL		7.100.000€

Asdo. Julio García Comesaña

Asdo. Ángel Carracedo Álvarez

